

دائرة مخصوصه

در سعادتده باب عالی جو ارنده

محل اداره :

مرآت القبر

اخطار :

مسلكمزه موافق آثار جديده مع المنو به قبول او انور

درج ابدیهین آثار اعاده او انور

دیر، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مدنی احوال و مشی و اسلامیه و در بحث ایدر و هفته ده بر نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰	روبله
سائر ممالک اجنبیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۹۲

۱ جاذی الاخر ۳۲۸ پنجشنبه ۲۷ مایس ۳۲۶

در دنجی جلد

اولدینی مروی و بو تصادف غایت معتبر بر انکلیزجه تاریخده به مصر حذر [۵] بو حالده ولادت سنیه میلادک هر قاچنجی سنه سنه مصادف اولورسه اولسون بیانمزه خال کتیرمز. کذلک نیسان ویا اغستوس آیلرینک برنده واقع اولموب شهرور رومیه نیک دیگر برنده اولسه برشی لازم کلز. وقعه فیل تواترأ منقول وقائع عظیمه دن اولوب محضاً قدرت قاهره ربانیه ایله نتیجه لندیکی بوتون خلقک معلومی بر کیفیت اولمغه قوم قریشه امتنان مقامنده نازل اولان سوره مخصوصه ده رسول اکرم افندیمره خطاباً « اصحاب فیه ربکک اجرا ایتدیکی معامله عقوبتکارانه یی مشاهده ایتمش کی تیقن ایتدکمی ؟ » معنانه (الم تر کیف فعل ربک باصحاب الفیل) بیورلمشدر .

وقعه مذکور به بوضویرتله نتیجه لنسی رسالت محمدیه نیک مقدماتندن، ارهاصات نبوت جمله سندن اولدینی امر آشکاردرکه بالاتفاق ولادت سنیه سنه مبارکه سنه واقع اولمشدر .

بو غرضکار دو قورک کتب اسلامیه ده مصرح تاریخ ولادته وقوف واطلاعی طبعی اولدینی حالده بوکا دائر سوبایه جک سوز بولامدینی ، وبهمه حال صدد اصلی به اعتراض ایله بدء ومباشرتی بویوک بر حصافت عد ایلدیکی جهته ذکر اولنان تاریخ میلادی عنعنه اسلامیه مقتضاسی کوسرتوب « بو تاریخ صرف اعتباریدر » دیمسی حقا که کولونه جک شیردندر . بونک دها عجیبی ، لسان عاقلدن صدوری استبعاد اولنان شکل معینی بوکا علاوه ایتدیکی « بالذات محمد « ص . ع . » بیله بئکه ولادتک تاریخ حقیقیسنی اصلاً بیلیمه مشدر » سوزلیدر .

مترجم متجاسر نظرنده عجبا بو صنیعی ده بر اثر عرفان ، درین بر امان عد اولمغه شایانمیدر . طوغرو دوشونلرجه اصلاً بویله دکلدر . بئکه بالعکس اولیه قول مجرد ایله وثائق معتبردی تزییفه یلته نش حد ذاتنده بیوک بر نادانلق . عقلاً وعاده بیلیمسی ضروری اولان بر حقیقته دائر علاقه دارانک عدم وقوفی ادعا ایله غریب بر مسخره لاق ابرازندن باشقه برشی عد اولنه ماز .

بین الناس آز جوق حائز اشتهار اولان ذواتک تاریخ ولادتلی

۱۵۱ | بونارخ کتبی ده غایت بی طرفانه یازلش اولمغه برای استشهدا بومله عائد اولان پارچه نی ترجمه ودرج ایدیورم .

« مسلمینک اعتقاد ایتدکلی انبیانک آخری واعظمی محمد « صلعم » حضرتلریدرکه میلادک « ۵۶۹ » سنه سنه شهر نیسانک اونجی کونی مکه ده شرفبخش عالم شهود اولمشدر . عائله سی بلاد عربده اک مشهور ، ابراهیم حلیلک ع . م اکبر اولادی جناب اسماعیل صرتقی نسبیه معروف برقبیله اولان قریشک اشرف بطونیدر . جدی سدانیت کعبه متوالیسی ایدی . اول کعبه که عربلرک معبد دیانت ودار حکومتلی ایدی . پدرلرینک اسمی عبدالله اولوب ولادت سنیه لرندن اقدم وفات ایتمشدر . والده لریده التنجی سنه حیاتلرنده ارتحال ایدهرک عموجه لری ابو طالبک حمایه سنه کیرمشدی . کندیسکی کریم الطباع وشریف الاخلاق وصاحب کرم وحیا ایدی . دها عموجه لری نزدنده بولندیی اشاده ذکالی ، رجحان عقل ودرایتلری نمایان اولمشیدی . امثال واقرائدن منفرد وتفکره منعکف اوله رقی یاشاردی ، برکون کندیسنه لهو ولعبه اشتغال ایتلری تکلیفه قارشی « انسان اعمال جلیله ومقاصد شریفه ایچون خلق اولمشدر . اعمال سافله ومشاغل باطله ایچون دکل » دییه جواب ویرمشیدی الخ »

علی الاکثر معلوم اولورسه دها ولادت سنیه لری انساننده پک جوق خوارق ظهورینه بناء جلب انظار دقتدن خالی اولمه مقله برابر هنکام صباوتلرندن اعتباراً فضائل وکالاتی مشهور ، علمای اهل کتسابک ایلریده شان عظیم احراز ایده جکی حقیقته کی اخباراتی طولانیسیله ده السنه انامده مزایای خارقه سی همیشه دائر ومذکور بولنان بر ذات شریفک ولادتی آیهله ، کونیله معلوم اولمامق قابل اولورمی ؟

[خوارق واخبارات مذکور به حد تواتر اقترانله کسب قطعیت ایتمش . کتب سیرواحادیده اسانید صحیحه ایله تفصیلاً بیان اولمشدر . الیوم ملل سائر آره سنه متداول بولنان کتب سماویه نیک « رساله حمیدیه » به دزج اولنان شهادتانه کسب اطلاع ایتک بیله انسانه بو بایده بویوک بر اطمینان بخش ایده جک قوتی حازدر]

(۲) اول حضرتک سجایای فطریه وشمائل برکزیده لرندن تعامی ایله یالکمز مادیاته قصر نظر ایدن (دوزی) پدرعالی کهرلرندن بویوک بر میراثه نائل اولمامسنی ده بر نقیصه عد ایدرک کمال مبسهااتله قاج فراقلق مالی اولدیغی بالحساب انتقاده قاقشمسی بغایت عجیب براضحوکه اولدیغی وارسته قید وایضاحدر .

مع هذا بوندده وقوفسزلغی کوسرتهرک « جاریه » پی کوله یازمشدر . « شقران » نامنده برعبد حبشینک دخی پدرلرندن منتقل اولسی مروی ایسه ده قول راجحه کوره مزبورک بالاشترا یاخود هبه طریقله تملک بیورلمش اولمیدر . مناسترلی اسماعیل حق



مقاله سالفه ده کورولن سهو ترتیلر

صفحه	سهو	صواب
۲۲۰	محمد الفاروق	عمر الفاروق
۲۲۱	بن حمش	ابن جحش
۰۰۰	قدر وقوع	قدر فرار وقوع
۰۰۰	بی وایه	بی وایه ده

حسب حال

تاریخ تکرردن باشقه بر شی دکلدر ، دینلر نه طوغری سوبله مشلردر ! بزم فرید : « دنیا بر تیسارودرکه یالکمز اویونجیلری دیکشیر ، یوقسه اویونلر عینی در . » دیر . حقیقت ، اولیه !

بر نظر امان حالی ماخیدن پک آز فرقلی بولور : هپ اوافراطار ، هپ اوتفریطار ؛ اعتداله قارشی هپ اوخصومتلر . کچلردم لسانی تصفیه ایدم ، یاخود ایتیمم مسئله سی میدان آلدی . هرایکی فرقه اوقدر ایلری کیتدی که آرملرینی بولمق قابل اوله مادی . اوت ، بر قسمی رحمتی وپسینک دورینی احیا ایتک ایسته یور ؛ دیکری ده بزه ماوراء النهردن عثمانیلر ایچون پک یکی اولان هیج ایشلمه مش ، یارادلدیغی کی قالمش بر لسان کتیرمک هوسنه قایل یوردی . هر ایکی طرف بر ییغین دعوالرله ، دلیلرله اورته یه آتیه رقی ذاتاً تذبذب قور تولمایان

افکار میزبونی بوسبتون قاریشیدردی، لسانغری ده، شیوه مزی ده املامزله اوموز اوپوشه جک بر حاله کتیردی .

وقیله حسین دانش افندی اسمنده بر ذات ثروت فنونه (لیل مدلهم) لی ، (لیل مکفهر) لی شعرلر یازار ، مقامات حریری یی اوقوش اولمایانلر بنم سناختیمی وارسینلر ، اکلایه سینلر دیمک ایستردی . ینه بو ذات (پرک) کله سنی قوللانیر ، فقط قارئلرینک یالکیز فرانسزجه بیلنلرینه مرحمت ایدرک صحیفه نك آلتیه « بو کله Bijou ، مقابیدر طرزنده بر حاشیه دوشردی !

بوکون ده اقدام غزته سنک باشنده بر طاقم مقاله لر کورولیورکه ترکه کله لرک یانی باشلرنده عربجه لری اولماسه زواللی است مرحومه هیچ بر شی اکلایه جق !

مجلس یرینه (قورولتای) مبعوث یرینه (یلواج) ، اعیان یرینه (آق صقال) ، حال یرینه (ایده موک) ، جان یرینه بیلیم نه ! کله لر بویله . شیوه یی نقله ایسه امکان یوق .

شبهه سز بو مقاله لری یازان آدمک بر مقصدی . هم ده خیرلی بر مقصدی اوله جقدر . اوت بو مقصد عثمانیلرک لسان رسمیمی اولان ترکه یی بوتون دنیاده کی ترکلرک اکلایه بیله جکی بر حاله کتیرمکدر ، ظن ایدرم . لکن آزا جق انصاف ایدم که طوتیلان یول اورایه کیدرمی ؟ هیمزک بیلدیکی ، هم بانقه برلساندن آلتیه اولدیغنی خاطرینه کتیرمه یه جک قدر ایی بیلدیکی کله لری اونوتدیردق هیچ بریمزک بیلمدیکی تعبیرلری قبول ایتک صورتیه می لسانغری ساده لشدیره جکیز ؟ مبعوثک نه اولدیغنی الحمدلله ایکی سنه ده اوکرندک ؛ شیمدی برده یلواج می اوکره نه جکیز ؟ مجلس کله سنی روم ایلیده ، اناطولیده بیلیمین ایشتمه یین ، کیمسه یوقدر ؛ یالکیز بعض یرلرده منجس دیرلرکه اوده اصلندن پک فرقلی دکل . یعنی مجلس دین آدمی منجس دینلر پک قولای اکلایه جق کبی منجس لفظک فصیحی ده اوقور یازار طاقی درحال بیلیر .

ایده موک ندر ؟ حال کله سنک مقابلی اولیمی ؟ ایی اما بو کله یی بزه قاج سنه ده اوکره ته بیله جکسکیز ؟ بوکون حال دینجه اکلایه جق بر ترک ، بر عثمانلی وارمیدر ؟

طوغروس یی بن مقاله صاحبک ایی برنیت بسلدیکندن امین اولماسه م مطلقا بو ذات لسانی تصفیه ایتک ایسته ینلرله اکلایه نیور ، دیردم .

اوت ، لسانک ساده لشدیرلمسی فرضدر . غزته لرده ضابطه ووقعاتی اویله آغیر برلسانله یازیلیورکه عوام اونو بردعا کبی دیکلیور .

« محمد بکک خانه سنه لیلای فرجه یاب دخول اولان سارق سکز عدد قالیچه کرانها سرقت ایتشدیر . « دیوبوده « محمد بکک بوکیجه اوینه خیرسز کیرمش ، سکز خالی چالمش . « دیمه مک عادتامسخره لقدر . عوامک آکلایه بیله جکی معانی عوامک قوللانیدی لسان ایله ادا ایدلمی ؛ لکن بر احوال سیاسی چفتایجه یازلاملی . چونکه ایکی طرف ده اکلایه جق !

لسانمز بو حاله کله بیلیمک ایچون عصرلر کچمش . بونی برسنه ده

بیقوب یکسینی یایمایه چالیشمق غریب برتشبت اولمازمی ؟ بر معترض دیه بیلیرکه : ایی اما سز طبیعی برترکه اولمدیغندن شبهه ایدلین بولسانکزی محافظه ده دوام یدرسه کز ضررلی حقیقه جقسکیز . چونکه سزی بخاراده کی ، سییریا ده کی ، قیریمده کی ، قفقاسیه ده کی ترکلر اکلایه مایه جق . حال بوکه اقدامک لسانی ایشلتیرسه کز اوزمان بوتون ترک عنصری بربریکزی اکلایه جقسکیز ، بوکونک معروف بر مؤلفسکیز اثری انجق ایکی اوج بیسک قاره بولو یورکن اوزمان ایکی اوج یوز بیسک دانه باصیله جق . اوقدر قاره بوله جق .

اعتراض یکدن قوتلی کورونیور . لکن پک چوروک : چونکه بوسایدیمکیز مملکتلرک ترکلری بربرینک یازدیغنی اکلایه یورکه ... اوت . عثمانلی اولمایان ترک عنصری آرده سنده هیمسنک اکلایه جق مشترک برلسان تحریر اولسه یدی بلکه بزه ممکن اولسون ، محال اولسون جماعته قاتیلیمق آرزوسنی کوروتیردک . روسیددن کلن ترکلرک عاقلاری . ایی دوشونلری « سز عثمانیلر لسانکزی برار ساده لشدیرک ، اصلاح ایدک بزاونی قبول ایدم ؛ یوقسه سزک بزه اویمایه هوس ایتکیز هیچ معقول دکلدر . « دیورلر .

قیریمده چیقان ترجمان غزته سنک اسکی لسانیه شیمدیکی آرده سنده نه بویوک فرق واردر . ایشته اوغزته بزم عثمانلی ترکه سنک ایی طرفلرینی آلمق صورتیه هم دیانی باشقه لاشدیردی ، هم ده ، اوحوالیده کی ترکلری بزم ترکه یه برار آلیشدیردی . آراتق فن لسانندن ، ادبیات لسانندن بحث ایتیه یی باشقه برکونه براقه جقم . محترم قارئلریمزک مطالعه لرینی بکلرم .

محمد عاکف



خطبه

۱۳-

الحمد لله الواحد الاحد * الحمد لله الفرد الصمد * الحمد لله الباقي
وفی الابد * الحمد لله علی کل حال * استغفره واشهد ان لا اله الا الله
مدبر الامر * واشهد ان سیدنا محمد اجاء بالنبی والامر * اللهم صل
وسلم علی هذا النبی الفسیح الصدر * وعلى آله وصحبه اهل الکمال
« اما بعد فیا ایها الانسان » کم نصح الخطیب وانت علی الحال المعهود *
کم شدد الوعظ وانت لا ترجع ولا تعود * کم ذهبت ایام بیض فیها
اعمالک سود * کم دعیت للرشاد وانت لاتزال فی ضلال * کم شکى
الخطیب من احوالک وصاح * کم بکی الحبيب علی اعمالک وناح *
کم صرح الزمان بأحوالک وباح * کم انت فی غفلة عن هذه الاقوال *
قلب النظر هل تجد نفسك متمسکا بالدين * تأمل بالكفر هل تجد
صلاحا بین المسلمین * فتش القلوب هل تجد فیها اخلاصا بیقین *
قل لنفسک توبی فقد ساءت الاحوال * متى تصل الی وجهتک وانت
علی غیر المنهج * متى ترجو اللحاق بالسابقین وانت اعرج * متى یستقیم
الظل والعود اعوج * متى یستقیم لك حال وانت من الخیر خال *